

Հ. ՄԱՐՏԻՐՈՍՅԱՆ «ԳՈԼՈՎԻՆՈՅԻ ՊԵՂՈՒՄՆԵՐԸ»

Հայկական ՍՍՌԻ Գիտությունների ակադեմիայի հրատարակութեամբ լույս է տեսել Հ. Մարտիրոսյանի «Գոլովինոյի պեղումները» աշխատությունը, որը նվիրված է Հայաստանի 7—8 դդ. (մ. թ. ա.) նյութական կուլտուրայի հուշարձանների ուսումնասիրությանը:

Քննարկվող ժամանակաշրջանը, ընդգրկում է Առաջավոր Ասիայի և մասնավորապես Հայաստանի պատմության ամենանշանակալից շրջաններից մեկը, երբ պատմական թատերադրամից անհետանում է Ուրարտուի հզոր հակառակորդ Ասորեստանը, ասլա Ուրարտական պետությունը, որով և արագանում է Արևելքի մի շարք ժողովուրդների կազմավորման պրոցեսը:

Հայաստանի տերիտորիայում ընկնող ցեղերի, ցեղախմբերի մշակույթի բնագավառում այդ ժամանակաշրջանը նշանավորվեց երկաթի լայն տարածումով, երբ տնտեսության մեջ լայն կիրառություն են ստանում երկաթե գործիքներն ու զենքերը: Տեղաբնակ ցեղերի, ցեղախմբերի կուլտուրա-տնտեսական միևնույն մակարդակը, մեռադամշակության, հողագործության, անասնապահության դարդացումը, ինտենսիվ կապերը հին Արևելքի հետ, ռեալ պայմաններ են ստեղծում մետաղամշակման փոքր օջախների երևան գալու համար՝ նաև դաշտային շրջաններում:

Հողագործության, մասնավորապես անասնապահության հետադադարացումը մղում էր դեպի նոր հողերի յուրացումն ու նվաճումը, որը տեղի էր ունենում միջցեղային կոնֆլիկտների միջոցով: Միմյանց թշնամի ցեղերի հաճախակի ընդհարումները ստրկական աշխատանքի լայն օգտագործման հնարավորություններ են ստեղծում, իսկ երկաթե գործիքների կիրառումը արտադրության մեջ, նոր, ավելի բարձր աստիճանի է հասցնում աշխատանքի արտադրողականությունը: Այս երևույթներին համընթաց աճում է գույքային անհավասարությունը, զնալով խորանում է դասակարգային շերտավորման պրոցեսը:

Հ. Մարտիրոսյանի ուշադրով ուսումնասիրությունը, որը կառուցված է պատմական հուշարձանների պահպանության կոմիտեի էքսպեդիցիայի 1929 թ. և հեղինակի կողմից 1950 թ. Դիլիջանի մոտ՝ Գոլովինոյում կատարված պեղումների, ինչպես նաև հնագիտական այլ աշխատանքների արդյունքների քննության հիման վրա, Հայաստանի 7—8-րդ դդ. մ.թ.ա. նյութական կուլտուրայի հարցերի վերհանմանը նվիրված առայժմ միակ աշխատությունն է:

Ձնայած այն հանգամանքին, որ պատմական Հայաստանի բաղձաթիվ շրջաններ հնագիտական տեսակետից դեռևս չեն ուսումնասիրված և դրախոսվող աշխատությունը շարադրված է զերադանցապես Հայկական ՍՍՌ տերիտորիայի տեղաբնակ հնագույն ցեղերի նյութական կուլտուրայի ուսումնասիրության հիման վրա, հեղինակին հաջողվել է ընդհանրացնել այդ ժամանակաշրջանը բնութագրող նյութը՝ կապելով այն այլ շրջանների բնիկ ցեղերի, ինչպես նաև ուրարտացիների և սկյութների կուլտուրայի հետ:

Հեղինակը փաստական հարուստ նյութի հիման վրա հիմնավորում է այն թեզը, թե ուրարտական կուլտուրայի ազդեցությունը կարևոր պայման է հանդիսացել երկաթե ինդուստրիայի ինտենսիվ զարգացման համար և որ այդ պրոցեսն ընդգրկել է ոչ միայն Հայաստանը, այլև Անդրկովկասն ու Հյուսիսային Կովկասը: Այդ տեսակետից արժեքավոր է երկաթե գործիքների ու զենքի մանրամասն մասնագիտական անալիզը, որի հիման վրա հեղինակին հաջողվել է ուղղադռել երկաթի լայն տարածման բարդ պրոցեսը, ներկայացնելով այն որպես տեղակայն բազայի վրա խարսխվող արտադրության, որը արագ կերպով զարգացավ և բարձր մակարդակի հասավ շնորհիվ ուրարտական ազդեցության:

Երկաթի տարածումով մարդկության նշանակալից մասը թեկնդարում է նախնադարյան պատմության վերջին փուլը, որը Ֆ. Էնդելսն անվանել է «երկաթե սրի», բայց դրա հետ միասին նաև երկաթե խոփի և կացնի» դարաշրջան: Երկաթը արագ կերպով թափանցելով արտադրության, կենցաղի, ռազմական գործի բնագավառները, արմատական հեղա-

շրջում է կատարում: Երկաթի տարածումը թույլ է տալիս նշանակալից մասշտաբներով մշակելու ոչ միայն անտառազուրկ, այլև անտառաշատ տեղերը: Հեղինակն այդ վճռական տեղաշարժի կարևորությունն ընդգծելով, այնուհետև ցույց է տալիս, որ դա միայն նյութական արտադրության ընդլայնում չստացվեց. այդ տեղաշարժը որոշակի փոփոխություններ երևան բերեց նաև ցեղային միավորումների սոցիալ-տնտեսական կյանքում: Ոոգիսրակա, ինչպես նաև տնտեսական ու քաղաքական կյանքի ոլորտներում կատարված այդ արմատական փոփոխությունները ի վերջո հանգեցրին էթնիկ խոշոր միավորման՝ հայ ժողովրդի կազմավորմանը:

Քննության առնելով պեղումներից հայտնաբերված 7—6-րդ դդ. մ. թ. ա. պատկանող հարուստ, խիստ ուշադրավ նյութեր, թվագրելով ու դասակարգելով այն բոլոր տեղի ու ժամանակի, հեղինակը կարողացել է այդ նյութերը կապել մերձակա բնավայրերի ուսումնասիրության հետ: Այդ եղանակով հեղինակին հաջողվել է ուրվագծել այն տեղիտոբիան, ուր բնակվում էին 7—6 դդ. մ. թ. ա. բարձր կուլտուրա ունեցող ցեղախմբերը: Հեղինակի կողմից տեղիտոբիալ շրջանակների ուրվագծումն, իհարկե, չի կարող վերջնական համարվել, հնագիտական նորանոր հայտնադործությունների հիման վրա այն հետազոտում կարող է լրացվել, ճշգրտվել, սակայն, այն, ինչ կատարել է ընկ. Մարտիրոսյանը, արժանի է ուշադրության: Հեղինակն իր կողմից առաջ քաշվող թեզերը հիմնավորելու համար բերում է ոչ միայն Հայաստանում և Անդրկովկասում հայտնի սինխրոն հուշարձանները, այլև այն համեմատում է Կուրանի և Բնեպրի ավազանների հուշարձանների հետ:

Աշխատության՝ «Հայաստանում երկաթի էպոխայի հնագիտական հուշարձանների ուսումնասիրության համառոտ ակնարկ» գլխում հեղինակը արժեքավորել և հանրագումարի է բերել Հայաստանում այս էպոխայի ուսումնասիրության ուղղությամբ կատարված հնագիտական պեղումների արդյունքները. ընդգրկել է զգալի չափով նոր նյութեր, հաշվի է առել Անդրկովկասի առավել հետաքրքիր հնավայրերի պեղումները:

Աշխատության երկրորդ գլուխը նվիրված է Գուլովինո գյուղի մոտ գտնվող հնագիտական հուշարձանների ուսումնասիրությանը: 1929 թ. Խրտանոցի ձորում աղյուսի գործարանի շինարարության ժամանակ կատարված այդ դամբարանադաշտի պեղումները կարևոր նշանակություն ունեցող նյութ երևան բերին, որը վաղ կերպով իլյուստրացիայի է ենթարկում Անդրկովկասի տեղաբնակ ցեղերի, ինչպես նաև Արևելքի ու Անդրկովկասի միջև եղած կուլտուրական փոխհարաբերությունները: Հնագիտական այդ մեծարժեք հավաքածուն դասակարգված է ըստ հիմնական խմբերի և ենթախմբերի, նկատի ունենալով նրանց ֆունկցիոնալ նշանակությունը, տիպոլոգիական առանձնահատկությունները, տնայնորդի կապերն ու ընդհանուր բնութագիրը:

Ջենրի, հանդերձանքի, բրոնզե ամանեղենի, խեցեղենի և զարդարանքի առարկաների ուսումնասիրությանը նվիրված ստորաբաժանումներում խմբավորված են 7—6 դդ. մ. թ. ա. համար բնորոշ առարկաների նմուշները և առանձին ուշադրություն է դարձված նյութական կուլտուրայի այն հուշարձաններին, որոնք այս կամ այն կերպ արտացոլում են կուլտուրական կապերի ու փոխազդեցությունների առկայությունը: Այդ տեսակետից առանձնապես հետաքրքրական է երկաթե տեղերի, դաշույնների ու զանակների, պատկերազարդ բրոնզե դոտիների ու ֆիալանների, ինչպես նաև խեցեղեն նմուշների համեմատական ուսումնասիրությունը, որով հեղինակին հաջողվել է ապացուցել, որ քննարկվող ժամանակաշրջանի կուլտուրան իր հիմքում չի կապվում հեթիթական և կիմերական կուլտուրաների հետ, ինչպես կարծում էին որոշ գիտնականներ: Ընդհանուր է տրված հրկաթե զենքի զերակշիռությունը բրոնզի նկատմամբ: Բրոնզից, արծաթից, կիսաթանկարժեք քարերից, հասպիսից, պաստայից և այլ նյութերից պատրաստված զարդերի նկարագրությունը հնարավորություն է տալիս վերականգնելու տեղաբնակների արտաքին սրճանարը, լրացնում է զենքին ու հանդերձանքին նվիրված ենթաբաժինները: Այստեղ նույնպես առանձնացված են այն առարկաները, որոնք ներմուծվել են այլ շրջաններից ու տարածվել Կովկասի տարբեր վայրերում:

Հնայած այն բոլոր զմայրություններին, որոնք կանգնում են դոկումենտացիայից դուրի հավաքածուները ուսումնասիրողների առջև, քննարկվող գլխում համոզիչ կերպով որոշված է № 8 կրոմլեխի դամբարանային կոմպլեքսը, որի բնությունից երևում է, որ այդ ինչպես նաև շատ ուրիշ կրոմլեխներ ծառայել են կոլեկտիվ թաղումների համար: Շարունակելով իր կողմից պեղված կրոմլեխների ուսումնասիրությունը Վ. Մարտիրոսյանը կրոմլեխների դասավորությունը, կոնստրուկտիվ, տեխնիկական և այլ առանձնա-

հատկությունների, ինչպես նաև թաղման ձևերի ու ծեսերի վերլուծման հղանակով ներկայացնում է տոհմադեղային դամբարանադաշտերի պատկերը, որտեղ դոյություն ունենին արդեն ինչպես ընտանեկան և այնպես էլ անհատական թաղումներ: Հեղինակի՝ այս գիտողությունը արժեքավոր է մեծ ընտանիքի դարդացման փուլերից մեկն ուսումնասիրելու տեսակետից: Պեղումներով հայտնարեցված նյութի համեմատական նկարագրությունը համոզում է, որ նրանք չեն տարբերվում 1929 թ. հայտնարեցված նյութական կուլտուրայի մնացուկներից: Այնուհետև՝ հակիրճ կերպով ամփոփված է հեղինակի կողմից 1930 թ. Երևանի հյուսիսային մասում ուսումնասիրված դամբարանների նյութը: Քննարկվող գլխում հետաքրքրություն է ներկայացնում Խրտանոցի դամբարանադաշտից ոչ հեռու հայտնարեցված բնակավայրի նկարագրությունը, որը պաշտպանված է կիկլոսյան հաստահեղույս պատով: Հեղինակին չի հաջողվել այստեղ կատարել զոնե հետախուզական պեղումներ, սակայն բերված փաստերը վկայում են, որ կրոնականներին նվաճող, բայց ավելի մեծ ու իրար կից, այդ կառուցումները իրենցից ներկայացնում են հին բնակավայրի մնացորդներ: Պրահայից համոզիչ տեղեկություններ են բերվում Սևանի ավազանի Դարալաղյաղի, Արագածի սիստեմում հայտնարեցված մեծ բնակատեղիների մասին և հաստատվում է, որ բնակարանի հիմնական ձևերից մեկը առաջին հաղարամյակի սկզբում եղել է օվալաձև կամ կլոր տարածական լուծումով:

Աշխատության երրորդ գլխում հեղինակը նախապես է դրել ցույց տալ, որ Խրտանոցի դամբարանադաշտին ու բնակավայրին հաջորդող և նույն մշակույթը ներկայացնող հնագիտական օբյեկտները սփռված են Հայաստանի ամբողջ տերիտորիայի վրա: Այդ միտքն ապացուցելու համար քննության են առնված Երևանից հարավ և հյուսիս ընկնող հուշարձանների ամբողջ խմբեր, մի կողմից Ախտայի, Նոր Բայազետի, Մարտունու և Սիսիանի շրջանների հնագիտական կոմպլեքսները և մյուս կողմից՝ Ալավերդու շրջանի (Մատուռ, Հաղրատ, Ախթալա, Մուսիբերի, Շեյխանյաղ) բացառիկ հարուստ և լավ թվագրվող նյութերը: Հնագիտական որոշակի կոմպլեքսների վերլուծության հիման վրա քննութագրված են այդ հուշարձանների ընդհանուր և տարբերիչ գծերը, ցույց է տրված, որ նրանք բոլորն էլ պատկանում են միևնույն ժամանակին ու կուլտուրային: Ուշագրավ է այն հանգամանքը, որ մատնանշված հնավայրերը ներկայացված են այս բաժնում Վրացական ՍՍԽ տերիտորիայում հայտնարեցված անալոգիկ նյութերի հետ ունեցած սերտ կապի մեջ (Դմանիսի, Ծալկա, Մցխեթա, Դվանի): Խուսափելով կրկնությունից՝ Հ. Մարտիրոսյանը քննարկվող բաժնում չի վերլուծել մեծ հետաքրքրություն ներկայացնող՝ հրատարակված մի երկու կոմպլեքս, որոնց ընդգրկումով աշխատությունն անպայման կշահեր: Չնայած այդ հանգամանքին՝ 7—8 դդ. (մ. թ. ա.) հնագիտական հուշարձանների տարածման օրրիտը որոշելու համար հաշվի են առնված Անդրկովկասի հնագիտության մեջ առաջիկ հայտնի բոլոր նյութերը, որոնք հնարավորություն են ընձեռել եզրակացնելու թե 7—8 դդ. մ. թ. ա. հնավայրերն իրենց տեղադրության տեսակետից համընկնում են էնեոլիթյան բնակատեղիներին, որոնք տարածված էին Քուռ և Արաքս գետերի միջին հոսանքում: Անդրադատնալով երկաթի լայն տարածման ժամանակաշրջանի կուլտուրայի բնութագրման հարցին, հեղինակը իրավացի կերպով ընդգծում է հնագույն բնակատեղիների ուսումնասիրման անհրաժեշտությունը, որն անհամեմատ ավելի լայն հնարավորություններ կստեղծի ժամանակի նյութական աբսոլյութության ու կենցաղի հարցերը պատշաճ կերպով լուսարանելու համար: Այս տեսակետից առանձնապես կարևոր է այն հանգամանքը, որ գրախոսվող աշխատության մեջ զգալի տեղ է հատկացված ուրարտական 7-րդ դ. (մ. թ. ա.) բնակատեղի Թեյշեբաինիի (Կարմիր բլուրի) պեղումներին, որոնց արդյունքները չափազանց մեծ նշանակություն ունեն տեղարնակ ցեղերի կուլտուրան ուսումնասիրելու տեսակետից:

Աշխատության չորրորդ գլխում Խրտանոցից հայտնարեցված նյութերի բազմակողմանի ուսումնասիրության հիման վրա քննության է առնված Հայաստանի երկաթի լայն տարածման ժամանակաշրջանի հնագիտական հուշարձանների թվագրման խնդիրը: Այդ խնդիրը լուծելու համար հեղինակը չի սահմանափակվել անդրկովկասյան հնագիտության տվյալներով: Ապացուցելով կուլտուրական սերտ փոխհարաբերությունների առկայությունը մի կողմից մերձդնեպրյան, հյուսիս-կովկասյան և մերձուրմիական սկյութների ու Հայաստանի տեղարնակ ցեղերի, մյուս կողմից վերջիններիս և ուրարտացիների միջև, հեղինակը խաչաձև ստուգման է ենթարկել իր կողմից տրված թվագրությունը: Ավելի համոզիչ դարձնելու նկատառումով ցույց է տրված առարկաների հիմնական տիպերի հա-

մեմառական զարգացումը վաղ և ուշ շրջանների մետաղագործության մակարդակի տեսակետից:

Աշխատության վերջին գլուխը կրում է «Նախնադարյան համայնական կարգերի քայքայումը Հայաստանում» խորագիրը: Հնագիտական ամբողջ նյութն ամփոփելով հեղինակին հաջողվել է կոնկրետ ու հակիրճ կերպով բնութագրել Հայաստանի տեղաբնակների պատմության այն հատվածը, որը նախորդում է Նրվանդյանների հրապարակ դալուն: Գոյություն ունեցող տվյալների հիման վրա քննության առնելով իրիզացիոն ցանցի, երկրագործության, անասնապահության, մետաղամշակության, փոխանակության զարգացման խնդիրները՝ հեղինակը հանդում է այն եզրակացության, թե տնտեսության այդպիսի վիճակը նախապայման էր հանդիսանում հասարակական զարգացման նոր էտապի անցնելու համար: Հետաքրքրություն են ներկայացնում այն նյութերը, որոնք վկայում են հասարակական շերտավորման պրոցեսի առաջացման, ինչպես նաև ստրկական աշխատանքի կիրառման մասին: Հեղինակն այնուհետև խոսում է ուրարտական պետության անկման, ցեղային միությունների միավորման և դրա հիման վրա էթնիկ խոշոր միավորման՝ հայ ժողովրդի կազմավորման մասին:

Աշխատության մեջ, չնայած բերված անալոգիաներին, այլ տեղերից հայտնի նույնական նյութի իլյուստրացիային, Մինգեչաուրի նյութի իլյուստրացիան քիչ է, զրեթե բացակայում է իբրև համեմատական նյութ: Ծիշտ է Մինգեչաուրի նյութը դեռևս առանձին մենագրություններով հրապարակ չի եկել, սակայն հրատարակված են մի քանի հոդվածներ, ուստի վառ չէր լինի վերջիններիս մեջ բերված նյութի օգտագործումը: Աշխատության մեջ որոշ տեղերում տեղանունները միայն նախկինում ընդունված ձևով են անվանված (այսպես, օրինակ, Ալիդուրս՝ այժմ Աստղաձոր, Փաշաբենդ՝ այժմ Հաջառատ և այլն):

Այս և վերևում նշված այլ թերությունները չեն նսեմացնում այն շնորհակալ աշխատանքը, որ կատարել է Հ. Մարտիրոսյանը իր «Գոյովինոյի պեղումները» աշխատությունում:

ԳՐ. ԿԱՐԱՆԱՆՅԱՆ